

UDHËZIM
Nr. 44, datë 4.3.2025

**PËR DISA SHTESA DHE NDRYSHIME NË UDHËZIMIN E MINISTRIT TË
BRENDSHËM NR. 93, DATË 27.5.2024, “PËR PËRCAKTIMIN E PROCEDURËS DHE
TË DOKUMENTACIONIT QË PARAQITET PËR APLIKIMIN DHE PAJISJEN E
SHTETASVE SHQIPTARË ME PASAPORTË BIOMETRIKE TË ZAKONSHME”**

Në mbështetje të pikës 4, të nenit 102, të Kushtetutës, të nenit 6 dhe të pikës 2, të nenit 11, të ligjit nr. 8668, datë 23.10.2000, “Për pajisjen e shtetasve shqiptarë me pasaportë për jashtë shtetit”, të ndryshuar,

UDHËZOJ:

Në udhëzimin e ministrit të Brendshëm, nr. 93, datë 27.5.2024, “Për përcaktimin e procedurës dhe të dokumentacionit që paraqitet për aplikimin dhe pajisjen e shtetasve shqiptarë me pasaportë biometrike të zakonshme”, bëhen këto shtesa dhe ndryshime:

Neni 1

1. Në nenin 1, bëhen këto ndryshime:

a) në shkronjën “a”, togfjalëshi “... pranë drejtorive vendore të Policisë së Shtetit,” zëvendësohet me togfjalëshin “... në zyrat e aplikimit të shoqërisë “IdentITek” sh.a.”.

b) në shkronjën “b”, fjalia e dytë, zëvendësohet me fjalinë:

“Në raste të veçanta, kur aplikimi nuk mund të kryhet në zyrat e misioneve diplomatike dhe/ose posteve konsullore, njoftohet edhe Ministria e Brendshme.”.

Neni 2

1. Në nenin 4, pas fjalës “... kuponi ...” shtohet togfjalëshi “... elektronik ose fizik.”.

Neni 3

1. Në nenin 5, pika 2 dhe pika 3, riformulohen dhe ndryshojnë me këtë përmbajtje:

“2. Shtetasit brenda vendit aplikojnë direkt në zyrat e aplikimit, ndërsa për shtetasit jashtë territorit të Republikës së Shqipërisë kërkohet rezervimi i takimit për aplikim *online* në portalin *e-Albania*. Për të aplikuar nevojiten dokumentet e mëposhtme:

a) kuponi fizik ose elektronik;

b) pasaporta e fundit;

c) letërnjoftimin elektronik të vlefshëm, për shtetasit mbi 16 vjeç.

3. Në mungesë të pasaportës së fundit shtetasi dorëzon një nga dokumentet e mëposhtme:

a) vetëdeklarimi i humbjes, vjedhjes, dëmtimit ose sekuestrimit, i cili kryhet *online* ose fizikisht pranë komisarariatit përkatës të Policisë së Shtetit;

b) vërtetim mbi depozitimin e denoncimit në policinë e shtetit të huaj; gjatë aplikimit ky dokument duhet të dorëzohet i apostiluar, apo i legalizuar, i përkthyer dhe i noterizuar.

c) vërtetim mbi vetëdeklarimin e humbjes ose të dëmtimit të dokumenteve pranë misioneve diplomatike ose posteve konsullore.”.

2. Në nenin 5, pika 5, fjalia e parë riformulohet dhe ndryshon me këtë përmbajtje:

“5. Operatori i ngarkuar për kryerjen e aplikimit informon shtetasin mbi procedurën e aplikimit dhe vijon me dëmtimin fizik të pasaportës së vjetër, duke prerë bandën e MRZ-së.”

Neni 4

1. Në nenin 13, pikat 1, 2 dhe 3, riformulohen dhe ndryshojnë me këtë përmbajtje:

“1. Për aplikimet e kryera në zyrat e aplikimit të shoqërisë “IdentiTek” sh.a. ose kur aplikimi realizohet nëpërmjet dokumentacionit fizik në misionet diplomatike dhe postet konsullore, veprohet si me poshtë:

a) Formularët e aplikimit bashkë me dokumentacionin shoqërues, si: banda MRZ-së e pasaportës së mëparshme, vërtetimi i vetëdeklarimit të humbjes/dëmtimit ose denoncimit të vjedhjes në polici, që kanë shërbyer për aplikim, pasi administrohen fillimisht në Zyrën e Aplikimit, dërgohen për arkivim në zyrën qendrore të shoqërisë.

2. Për aplikimet e kryera në përputhje me legjislacionin për nënshkrimin elektronik në zyrat e misioneve diplomatike dhe posteve konsullore, veprohet si më poshtë:

a) në të gjitha rastet kur aplikimi për dokument identifikimi është kryer nëpërmjet nënshkrimit elektronik, në përputhje me kriteret e nenit 16 të ligji nr. 43/2023, “Për qeverisjen elektronike”, të ndryshuar, nuk procedohet me dërgimin me postë të dokumentacionit të aplikimit (fletë aplikimi, MRZ, dokumente identifikimi të kthyer nga shtetasit, raporte humbje, sekuestrimi etj.), në zyrën qendrore të shoqërisë.

b) brenda 60 ditëve nga data e aplikimit shoqëria informon zyrën e misionit diplomatik ose të postit konsullor mbi asgjësimin e dokumentacionit të aplikimit që nuk konsiderohet më i nevojshëm, ose mbi çdo kërkesë specifike për këto dokumente.

c) asgjësimi i dokumentacionit të cituar në pikën 2, shkronja “a” të këtij neni evidentohet shkresërisht nga përfaqësuesit e zyrës së misionit diplomatik ose postit konsullor.

3. Kopjet e formularëve të vetëdeklarimit me fotografi administrohen nga Policia e Shtetit dy vjet pas mbarimit të vlefshmërisë së pasaportës.”

Neni 5

1. Në nenin 14, pika 2, në fund të fjalisë së parë, numri “... 18 ...” zëvendësohet me numrin “... 12 ...”.

Neni 6

Dispozita përfundimtare

1. Për zbatimin e këtij udhëzimi ngarkohet shoqëria “IdentiTek” sh.a., Drejtoria e Përgjithshme e Gjendjes Civile dhe Drejtoria e Përgjithshme e Policisë së Shtetit.

2. Për kontrollin e zbatimit të këtij udhëzimi ngarkohet Sekretari i Përgjithshëm i Ministrisë së Brendshme ose struktura të tjera të autorizuar nga ministri i Brendshëm.

Ky udhëzim hyn në fuqi pas botimit në Fletoren Zyrtare.

MINISTËR I BRENDSHËM
Ervin Hoxha